

## 開放文學 – 神鬼仙俠 – 桃花女陰陽鬥傳 序

形不離乎影，影必依乎形，陽不背乎陰，陰必隨乎陽。然形離乎影必至消亡，陽背乎陰必至乖戾。是此書名之曰《陰陽鬥》，是陽背乎陰矣。陰陽背戾，陰陽安得不鬥耶？雖然，所云形終不離影，陽終不背陰，是故陰陽始雖相鬥，終必不背不戾也。不背不戾，是陰陽已無鬥矣。陰陽無鬥，是則陰陽和合矣。陰陽和合為一，又為超凡入聖之域者。陰陽既然超凡入聖，又無紅塵之染，無紅塵之染，一無幻境之作矣。此為《陰陽鬥》之一大結也。是為序云。